

計得矣在我器械亦已措備萬無虞事 上曰兩教至當倭賊所為如

此難乎免於 天討矣吳曰定州相會之後今始再奉 玉顏多有感

容為國為民致此不安 上曰定州奉別後久未相見尋常未安前日

避盜西方豈知今日有再會之歡陪奉大人亦是 皇恩吳曰今此

天朝與 貴邦為一家得奉 龍顏是亦 帝恩 上顧謂譯官曰勸

侑杯酒以歡二人○上以備忘記 傳于右承旨寄自獻曰今日力疾

見都司指揮明日 天使入來不可出接欲令東宮及大臣行禮政院

議 啓政院回 啓曰元唐將皆為出接而今此 天使出來不為出接

非徒 天使大怒撥之事體亦甚未安惶恐 啓 傳曰議大臣○

上以各司草記及各道狀啓自內密送于東宮使之裁決世子陳劄得

止○以鄭述為右副承旨許箴為同副承旨尹璩為議政府舍人○辰

時有霧氣日暈兩珥巳時日暈夜一更東方南方有赤氣月暈○丁酉

○正使接伴使李恒福書狀倭子二人入 天使廚房服從 天使出

來時即還入送云云者必指此人也今之來者即福建人三名被擄在

賊中願為通事跟隨入于 天朝云 啓下備邊司○以左議政金應

南呈辭單子 傳于政院曰不允批答遣醫看病○傳于政院曰今見